

**Uunga siunnersuut: Pisortat Pisiortortarneranni Neqerooruteqartitsinermi  
Maalaaruteqartarfik pillugu Inatsisartut inatsisaat nr. xx, xx. xxx 2018-imeersoq**  
(Inuussutissarsiornermut Nukissiuuteqarnermullu Naalakkersuisoq)

**Saqqummiussissut**

(Inuussutissarsiornermut Nukissiuuteqarnermullu Naalakkersuisoq)

**Siullermeerneqarnera**

Inatsisartut inatsisissaattut siunnersuummik, Namminersorlutik Oqartussat pisiniartarneranni killissaliussanik aalajangersaaviusumik suliaqarnissamik Naalakkersuisut peqquneqassanerat UPA2015-imi Inatsisartut aalajangerpaat. Matumuuna Naalakkersuisut sinnerlugit Neqerooruteqartitsinermi Maalaaruteqartarfik pillugu Inatsisartut inatsisaannut siunnersuut saqqummiuppara, pisortat oqartussaaffigisaanni suliffeqarfii nilu nioqqutissanik kiffartuussinernillu pisinermut tunngatillugu neqerooruteqartitsisarneq pillugu inatsisartut inatsisaat peqatigalugu Inatsisartut aalajangernerat piviusunngortillugu.

Illuliornermik sanaartornermillu suliaqarfimmi Neqerooruteqartitsinermi Maalaaruteqartarfeqareerpoq. Siunnersuuteqarnikkut naammagittaalliuteqartarfik nutaaq pilersinneqassaaq, tassaniissallutik nioqqutissanik kiffartuussinernillu neqerooruteqartitsisarnerit. Tamatuma saniatigut siunnersuummi maalaaruteqartarfiup qulaaniit isigalugu aqqissugaanissaa aalajangersarneqarpoq, siunnersuullu aamma maalaaruteqartarfimmut naammagittaalliutinik tunniussisarnissaq suliarineqartarnissaannillu aalajangersakkanik imaqarpoq.

Taamatut oqaaseqarlunga siunnersuut Inatsisartunut suliassanngortippara.